

TOKYO, Selasa — Jepun hari ini bersetuju memberi kredit Yen khas berjumlah 50 bilion Yen (\$500 juta) sebagai tambahan pinjaman Yen tahunan kesembilan berjumlah 21 bilion Yen untuk membiayai projek pembangunan Malaysia.

Persetujuan itu dicapai dalam rundingan pusingan kedua Datuk Seri Dr Mahathir Mohamad dan Perdana Menteri Jepun, Yasuhiro Nakasone di sini, pagi tadi.

Kredit Yen khas 50 bilion itu untuk membiayai pembinaan Janakuasa tenaga arang batu yang sedang dalam fasa kedua di Pelabuhan Kelang.

"Pinjaman kredit Yen berjumlah 21 bilion Yen itu pula bagi membiayai Janakuasa Peka di Sarawak dan loji gas di Sabah selain projek Lebuh Raya Ekspres Seremban.

Dalam satu sidang akhbar di Kelab Akhbar Jepun di sini petang ini,

Perdana Menteri menerangkan, pinjaman tambahan itu untuk membiayai projek pembangunan.

Malaysia telah menerima kredit 21 bilion Yen untuk rancangan setahun dan tambahan pinjaman itu untuk pembinaan sebuah Janakuasa arang batu di Pelabuhan Kelang.

"Saya gembira kerajaan Jepun bersedia mengeluarkan pinjaman 40 bilion Yen dari OECF dan 10 bilion Yen dari EXIM Bank (Bank Eksport dan Import)."

JEPUN BERI PINJAMAN KHAS \$500J

Dari BAKAR ISMAIL

Perdana Menteri menjelaskan, syarat pinjaman khas itu berlainan dengan syarat-syarat pinjaman kredit tahunan yang diberi dengan syarat-syarat mudah empat peratus setahun, sementara tujuh tahun diberi masa tempoh penangguhan dan pembayaran bermula selama 18 tahun.

Pasaran

Datuk Seri Dr Mahathir percaya, syarat dan kadar yang mungkin dicapai untuk pinjaman tambahan tidak akan menjejaskan projek ini.

Mengenai penerokaan pasaran Jepun bagi barangan Malaysia, Perdana Menteri berkata, kerajaan tidak menuntut sebarang kemudahan khas.

Beliau menarik perhatian, Jepun kini telah mula melonggarkan be-

berapa syarat ketatnya dan diharap kelonggaran itu dapat diperluaskan lagi.

Dalam rundingan itu, Datuk Seri Dr Mahathir berkata, mereka juga telah melanjutkan perbincangan mengenai hal-hal awal antarabangsa, isu Kampuchea, Afghanistan, Palestin dan isu-isu yang berkaitan dengan Asean, selain hubungan dua hala.

Perdana Menteri menerangkan bahawa Enck Nakasone memberi

taklimat ringkas mengenai lawatannya ke Washington dan perbincangannya dengan Presiden Reagan.

Mereka juga berbincang mengenai hubungan Russia dan Amerika termasuk soal-soal perlucutan senjata.

Hari ini, beliau menerima kunjungan muhibah dari beberapa orang kenamaan Jepun termasuk Menteri Perdagangan Antarabangsa dan Industri Jepun, Enck Sadanori Yamanaka.

Pagi tadi, Perdana Menteri bersama Datin Seri Dr Siti Hasmah menghadap Maharaja Je-

pun dan menyertai jamuan makan tengah hari di Istana Diraja.

Malam ini, Perdana Menteri mengadakan satu majlis makan malam bagi membalas jamuan yang diberi oleh Perdana Menteri Jepun di sini semalam.

Datin Seri Dr Siti Hasmah pula mempenyali acara yang berasingan dan ini termasuk lawatan ke Pusat Kraf Tradisional Jepun dan bertemu dengan isteri-isteri Duta Asean dan isteri orang-orang kenamaan dan pegawai di sini.

Bahan asal dari Arkib
Negara Malaysia